



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-659/02
Sarajevo, 14.06.2002.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Priljeno: 09.07.2002. godine			
Org. jed.	Broj	Prilog	Vrijednost
01/1	011-659/02		

ZAPISNIK sa 27. sjednice Ustavno - pravne komisije

Sjednica je održana dana 14.06.2002. godine sa početkom u 10,00 sati.
Sjednici su prisustvovali:

1. Mirko Banjac
2. Bogić Bogičević
3. Hilmo Neimarlija
4. Muhamed Begović
5. Osman Brka
6. Željko Bilbija

Odsutni su bili članovi Komisije Mirko Mijatović i Mariofil Ljubić, te Miro Grabovac – Titan koji je pravdao izostanak.

U ime predstavnika predlagača, sjednici su prisustvovali:
Dragiša Stanković, Seadeta Čelaomerović i Raisa Selmanagić, u ime Vijeća ministara BiH
Sjednici je takođe prisustvovao i Milan Zjajić, zaposlen u stručnoj službi Predstavničkog doma Parlamentarne skupštine BiH.

Predsjedavajući Komisije Mirko Banjac predložio je sljedeći

DNEVNI RED:

1. Verifikacija zapisnika sa 25. sjednice održane 14.05.2002. godine, i 26. sjednice održane 23.05.2002. godine
2. Prijedlog zakona o izmjenama i dopunama Zakona o Centralnoj banci BiH, predlagač Predsjedništvo BiH, nadležna Komisija za finansije i budžet,
3. Prijedlog zakona o upotrebi i zaštiti naziva Bosne i Hercegovine, predlagač Vijeće ministara BiH, nadležna Ustavno-pravna komisija,
4. Prijedlog zakona o Agenciji za rad i zapošljavanje Bosne i Hercegovine, predlagač Vijeće ministara BiH, nadležna Ustavno-pravna komisija,
5. Prijedlog zakona o Zavodu za javno zdravstvo Bosne i Hercegovine, predlagači poslanici: Mustafa Cuplov i drugi, nadležna Ustavno-pravna komisija,
6. Prijedlog zakona o veterinarstvu u BiH, predlagač Vijeće ministara BiH,
7. Prijedlog zakona o odlikovanjima BiH, predlagač Vijeće ministara BiH i
8. Ostala pitanja.

Zatim je predloženi dnevni red, koji je dopunjen tačkom 7. u odnosu na prijedlog iz poziva za sjednicu, jednoglasno prihvaćen.

Ad. 1.

Na zapisnik sa 25. sjednice primjedbu je iznio Željko Bilbija, predlažući da se navedu njegove riječi da je amandmane na Prijedlog zakona o Agenciji za informacije i zaštitu institucija BiH uložio na vrijeme i prije usaglašavanja teksta. Uz ovu primjedbu zapisnici sa 25. sjednice održane 14.05.2002. godine, i 26. sjednice održane 23.05.2002. godine su jednoglasno verifikovani.

Ad. 2.

Na početku diskusije o Prijedlogu zakona o izmjenama i dopunama Zakona o Centralnoj banci BiH, utvrđeno je da nsjednici ne prisustvuje predstavnik predlagača Predsjedništva BiH, pa je ova tačka dnevnog reda pomjerana, ali je na kraju ipak jednoglasno utvrdila da postoji valjan ustavno pravni osnov za donošenje Zakona o izmjenama i dopunama Zakona o Centralnoj banci BiH, i da se ponuđeni tekst može uputiti u dalju zakonodavnu proceduru.

Ad. 3.

Bez posebne diskusije Ustavno-pravna komisija Predstavničkog doma Parlamentarne skupštine BiH je jednoglasno utvrdila da postoji valjan ustavno-pravni osnov za donošenje Zakona o upotrebi i zaštiti naziva Bosne i Hercegovine, predlagač Savjet ministara BiH, i zaključila da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

Ad. 4.

Isto tako bez posebne rasprave Ustavno-pravna komisija Predstavničkog doma Parlamentarne skupštine BiH je jednoglasno utvrdila da postoji valjan ustavno-pravni osnov za donošenje Zakona o Agenciji za rad i zapošljavanje Bosne i Hercegovine i zaključila da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

Ad. 5.

U raspravi o Prijedlogu zakona o Zavodu za javno zdravstvo BiH učestvovalo je više članova komisije, a na sjednici je od pet poslanika, predlagača bio prisutan samo Muhamed Begović koji je član Komisije i podržao je postojanje ustavnog osnova za donošenje kako su naveli predlagači. Članovi Komisije Željko Bilbija i Mirko Banjac su osporili predloženi ustavni osnov, ali i podržali potrebu za donošenjem zakona, tvrdeći da je ustavni osnov sadržan u članu 3. tačka 5. što podrazumijeva pribavljanje mišljenja – saglasnosti entiteta. Članovi Komisije Osman Brka i Hilmo Neimarlija su u diskusiji isticali potrebu za zakonskim regulisanjem ove oblasti što bi bilo od koristi za građane oba BH entiteta. Član Komisije Bogić Bogićević je predložio, a Komisija jednoglasno prihvatila da odloži raspravu i od predlagača zahtjeva da u roku od 10 dana pribavi mišljenje nadležnih entitetskih ministarstava.

Ad. 6.

Pored predstavnika predlagača Prijedloga zakona o veterinarstvu u BiH u raspravi su učestvovali i to po više puta javljajući se za riječ svi prisutni članovi komisije. Svi su diskutanti podržavali potrebu za zakonskim regulisanjem ove oblasti, ali su Banjac i Bilbija zamjerali što učešće entitetskih predstavnika u izradi Prijedloga zakona, nije na odgovarajući način ozvaničeno i time otklonjenje dileme oko ustavnog osnova iz člana 3. tačka 5. Ustava BiH. Ostali članovi Komisije su podržavali ustavni osnov, kako ga je naveo predlagač.

Na kraju je Ustavno pravna komisija većinom glasova, uz jedan glas protiv i jedan uzdržan utvrdila da postoji valjan ustavni osnov za donošenje Zakona o veterinarstvu u BiH i zaključila da se tekst navedenog zakona može uputiti u dalju zakonodavnu proceduru.

Ad. 7.

Us učešće svih članova Ustavno-pravna komisija raspravljala je o principima, načelima i članovima, kao i ulozenim amandmanima na Prijedlog zakona o odlikovanjima BiH..

Amandmane je uložio poslanik Željko Bilbija, u ime Kluba poslanika PDP,SNSD,DSP,SNS,SPRS.

U toku diskusije predlagač je neke amandmane modifikovao.

Nakon provedene diskusije, Ustavno-pravna komisija Predstavničkog doma Parlamentarne skupštine BiH prihvatila je sljedeće amandmane:

Amandman I

U članu 5. stav 2. brišu riječi: "patriotskih osjećanja i tradicija" i zamjenjuju riječima: "vrijednosti tradicije,"

Amandman II

U članu 12. stav 1. mijenja se i glasi: "Inicijativu za dodjelu odlikovanja mogu dati: građani, privredna društva, državne institucije i druga pravna lica."

Amandman III

Član 18. mijenja se i glasi: "Predsjedništvo može odlučiti da nastupi pravna posljedica oduzimanja odlikovanja, ako je odlikovano lice učinilo teško krivično djelo."

Članovi 19. i 20. brišu se, tako da član 21. postaje član 19. itd.

Amandman IV

Član 24. briše se i tome prilagođava nomenklatura sljedećih članova.

Na kraju je Ustavno – pravna komisija jednoglasno usvojila tekst Prijedloga zakona o odlikovanjima Bosne i Hercegovine sa usvojenim amandmanima i zaključila da je predloženi zakon neophodno donijeti, te da se Prijedlog zakona o odlikovanjima Bosne i Hercegovine može uputiti Predstavničkom domu Parlamentarne skupštine BiH u dalju proceduru usvajanja. U smislu odredbi člana 89. Poslovnika Predstavničkog doma Parlamentarne skupštine, za izvjestioca u plenarnoj fazi Komisija je imenovala predsjedavajućeg Mirka Banjca.

Kako nije bilo ostalih pitanja u 11,45 sati predsjedavajući je zaključio sjednicu.

PREDSJEDAVALJUĆI
USTAVNO - PRAVNE KOMISIJE
mr Mirko Banjac